



Број: 16-03-07-8413- /15
Источно Сарајево, 30.1.2017. године

На основу члана 24. Закона о министарствима и другим органима управе Босне и Херцеговине („Службени гласник БиХ“, бр. 5/03, 42/03, 26/04, 42/04, 45/06, 35/09 и 103/09) и члана 11. Одлуке о годишњем планирању рада и начину праћења и извјештавања у институцијама Босне и Херцеговине („Службени гласник БиХ“, број 94/14), Државна агенција за истраге и заштиту **п о д н о с и**

**IZVJEŠTAJ O RADU
DRŽAVNE AGENCIJE ZA ISTRAGE I ZAŠTITU ZA 2016. GODINU**

Источно Сарајево, јануар 2017. године

SADRŽAJ

I – UVOD.....	3
II – IZVJEŠTAJ O PROVOĐENJU AKCIONOG PLANA PREDVIĐENOG GODIŠNJIM PROGRAMOM RADA DRŽAVNE AGENCIJE ZA ISTRAGE I ZAŠTITU ZA 2016. GODINU	8
III – IZVJEŠTAJ O IZRAĐENIM ZAKONIMA PLANIRANIM GODIŠNJIM PROGRAMOM RADA DRŽAVNE AGENCIJE ZA ISTRAGE I ZAŠTITU ZA 2016. GODINU	9
IV – IZVJEŠTAJ O IZRAĐENIM PODZAKONSKIM AKTIMA PLANIRANIM GODIŠNJIM PROGRAMOM RADA DRŽAVNE AGENCIJE ZA ISTRAGE I ZAŠTITU ZA 2016. GODINU	14
V – IZVJEŠTAJ O IZRAĐENIM MEĐUNARODNIM UGOVORIMA PLANIRANIM GODIŠNJIM PROGRAMOM RADA DRŽAVNE AGENCIJE ZA I ZAŠTITU ZA 2016. GODINU	15
VI – IZVJEŠTAJ O REALIZACIJI JAVNIH INVESTICIJA PLANIRANIH GODIŠNJIM PROGRAMOM RADA DRŽAVNE AGENCIJE ZA ISTRAGE I ZAŠTITU ZA 2016. GODINU	16
VII – IZVJEŠTAJ O PROVEDENIM KONSULTACIJAMA KOD IZRADE IZVJEŠTAJA O RADU.....	17

I – UVOD

Program rada Državne agencije za istrage i zaštitu (u daljem tekstu: Agencija) za 2016. godinu urađen je u skladu sa Odlukom o godišnjem planiranju rada i načinu praćenja i izvještavanja o radu u institucijama Bosne i Hercegovine („Službeni glasnik BiH“, broj 94/14) i Uputstvom o načinu pripreme godišnjeg programa rada i izvještaja o radu u institucijama Bosne i Hercegovine („Službeni glasnik BiH“, broj 45/15) i predstavlja operacionalizaciju Srednjoročnog plana Agencije za period 2016-2018. godine.

Prioriteti rada Agencije u 2016. godini definirani su, prije svega, zakonskim propisima koji se odnose na nadležnosti Agencije, Srednjoročnim planom Agencije 2016-2018. godine i obavezama koje proističu iz Akcionog plana Vijeća ministara Bosne i Hercegovine za provođenje Reformske agende.

Zakonom o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12) propisana je nadležnost Agencije i to:

1. sprečavanje, otkrivanje i istraga krivičnih djela iz nadležnosti Suda Bosne i Hercegovine, a posebno: organiziranog kriminala, terorizma, ratnih zločina, trgovine ljudima i drugih krivičnih djela protiv čovječnosti i vrijednosti zaštićenih međunarodnim pravom, te teškog finansijskog kriminala;
2. prikupljanje obavještenja i podataka o krivičnim djelima iz nadležnosti Suda Bosne i Hercegovine, te praćenje i analiza sigurnosne situacije i pojava koje pogoduju nastanku i razvoju kriminala;
3. pružanje pomoći Sudu i Tužilaštvu Bosne i Hercegovine u prikupljanju obavještenja, te izvršavanje naloga Suda i glavnog tužioca BiH;
4. zaštita svjedoka;
5. provođenje međunarodnih sporazuma o policijskoj saradnji i drugih međunarodnih instrumenata u njenoj nadležnosti;
6. kriminalistička ekspertiza;
7. ostali poslovi propisani zakonom i drugim propisom.

Agencija je u 2016. godini radila na ukupno 2267 predmeta koji su se odnosili na otkrivanje i istraživanje krivičnih djela iz nadležnosti Suda BiH, od čega je 1004 okončala ili 44%. Od ukupnog broja predmeta, 1267 predmeta je bilo istražnih, od čega je 499 okončano ili 39%, dok je obavještajnih predmeta bilo 1000, od čega je 505 okončano ili 51%.

U 2016. godini Agencija je nadležnim tužilaštvima u BiH podnijela ukupno 128 izvještaja o postojanju osnova sumnje o počinjenom krivičnom djelu protiv ukupno 356 osoba (325 poznatih fizičkih osoba, pet NN osoba i 26 pravnih osoba) i 16 dopuna izvještaja protiv ukupno 55 osoba (54 fizičke osobe i jedna NN osoba).

Posmatrajući po prioritetima proklamovanim u Programu rada Agencije za 2016. godinu, rezultati rada su sljedeći:

1. terorizam i krivična djela koja se mogu dovesti u vezu s terorizmom:
 - rađeno na 41 predmetu od kojih je 17 okončano ili 41%;

- nadležnim tužilaštvima podneseno 30 izvještaja o postojanju osnova sumnje o počinjenom krivičnom djelu protiv 35 fizičkih osoba i tri dopune izvještaja protiv tri osobe;
 - prijavljeno 70 krivičnih djela terorizma i krivičnih djela koja se mogu dovesti u vezu sa terorizmom;
2. finansijski kriminal i korupcija:
- rađeno na 175 predmeta od kojih je 85 okončano ili 49%;
 - nadležnim tužilaštvima podneseno 38 izvještaja o postojanju osnova sumnje o počinjenom krivičnom djelu protiv ukupno 192 osobe (168 fizičkih osoba, tri NN osobe i 21 pravne osobe) i devet dopuna izvještaja protiv 45 osoba (44 fizičke osobe i jedne NN osobe);
 - prijavljeno 113 krivičnih djela finansijskog kriminala i korupcije;
3. neovlašteni promet opojnim drogama:
- rađeno na 25 predmeta od kojih je osam okončano ili 32%;
 - nadležnim tužilaštvima podnesena četiri izvještaja o postojanju osnova sumnje o počinjenom krivičnom djelu protiv 11 fizičkih osoba;
 - prijavljeno pet krivičnih djela u vezi sa neovlaštenim prometom opojnim drogama.
4. trgovina ljudima i krijumčarenje ljudi:
- rađeno na 28 predmeta od kojih je 14 okončano ili 50%;
 - nadležnim tužilaštvima podneseno šest izvještaja o postojanju osnova sumnje o počinjenom krivičnom djelu protiv 15 fizičkih osoba i jedna dopuna izvještaja protiv jedne osobe;
 - prijavljeno devet krivičnih djela trgovina ljudima i krijumčarenje ljudi;
5. nedozvoljeni promet oružjem i vojnom opremom:
- rađeno na deset predmeta od kojih su tri okončana ili 30%;
 - nadležnim tužilaštvima podneseno šest izvještaja o postojanju osnova sumnje o počinjenom krivičnom djelu protiv 13 osoba (12 fizičkih osoba i jedne NN osobe) i dvije dopune izvještaja protiv pet osoba;
 - prijavljeno 11 krivičnih djela u vezi sa nedozvoljenim prometom oružja i vojne opreme;
6. krivotvorenje isprava:
- rađeno na osam predmeta od kojih je pet okončano ili 63%;
 - nadležnim tužilaštvima podneseno 15 izvještaja o postojanju osnova sumnje o počinjenom krivičnom djelu protiv 26 fizičkih osoba;
 - prijavljeno 28 krivičnih djela u vezi sa krivotvorenjem isprava;
7. krivotvorenje novca:
- rađeno na dva predmeta od kojih nije nijedan okončan;
 - nadležnim tužilaštvima podnesen jedan izvještaj o postojanju osnova sumnje o počinjenom krivičnom djelu protiv pet osoba;
 - prijavljeno jedno krivično djelo krivotvorenje novca;
8. povreda autorskih prava:
- rađeno na 15 predmeta od kojih je osam okončano ili 53%;
 - nadležnim tužilaštvima podneseno osam izvještaja o postojanju osnova sumnje o počinjenom krivičnom djelu protiv 12 osoba (devet fizičkih osoba i tri pravne osobe);
 - prijavljeno devet krivičnih djela u vezi sa povredom autorskih prava;
9. pranje novca i finansiranje terorističkih aktivnosti:

- rađeno na 32 predmeta od kojih je osam okončano ili 25%;
 - nadležnim tužilaštvima podneseno šest izvještaja o postojanju osnova sumnje o počinjenom krivičnom djelu protiv 23 osobe (21 fizičke osobe i dvije pravne osobe);
 - prijavljeno 16 krivičnih djela koja su u vezi sa pranjem novca;
10. ratni zločini i krivična djela kažnjiva po međunarodnom humanitarnom pravu:
- rađeno na 882 predmeta od kojih je 329 okončano ili 37%;
 - nadležnim tužilaštvima podnesena četiri izvještaja o postojanju osnova sumnje o počinjenom krivičnom djelu protiv sedam osoba (šest fizičkih osoba i jednog NN osoba).
 - prijavljeno šest krivičnih djela u vezi sa ratnim zločinima.
11. ostala krivična djela:
- rađeno na 49 predmeta od kojih su 22 okončana ili 45%;
 - nadležnim tužilaštvima podneseno deset izvještaja o postojanju osnova sumnje o počinjenom krivičnom djelu protiv 17 osoba i jedna dopuna izvještaja protiv jedne osobe;
 - prijavljena 33 krivična djela.

Od ukupnog broja podnesenih izvještaja o postojanju osnova sumnje o počinjenom krivičnom djelu, 17 izvještaja kojima je prijavljeno 166 osoba (152 fizičke osobe, 13 pravnih osoba i jedna NN osoba) i osam dopuna izvještaja kojima su prijavljene 43 osobe (42 fizičke osobe i jedna NN osoba) podneseni su zbog postojanja osnova sumnje da je počinjeno krivično djelo organizirani kriminal u vezi sa krivičnim djelima finansijskog kriminala i korupcije, trgovinom ljudima, neovlaštenim prometom opojnim drogama, pranjem novca, krivotvorenjem isprava i ostalim krivičnim djelima.

U sklopu istraga krivičnih djela iz nadležnosti Agencije vođeno je i 19 finansijskih istraga. Agencija je prepoznala važnost vođenja ove vrste istraga radi utvrđivanja nezakonito stečene imovine vršenjem krivičnog djela i stvaranja pretpostavki za njeno oduzimanje u sudskom procesu. Ovoj vrsti istraga posvećena je naročita pažnja, te, iako nije formirana posebna unutrašnja organizaciona jedinica koja bi se bavila ovim istragama, izvršena je preraspodjela postojećeg kadra.

Istragama krivičnih djela pranja novca utvrđeno je da je kroz finansijski sistem BiH u legalne novčane tokove ubačeno 32.084.951,95 KM nelegalno stečenog novca, dok je pričinjena materijalna šteta od prijavljenih krivičnih djela ukupno iznosila 30.026.846. KM (pričinjena šteta za tri pravne osobe sa područja BiH).

Materijalna šteta po budžete u BiH identificirana podnesenim izvještajima o postojanju osnova sumnje o počinjenim krivičnim djelima iz oblasti finansijskog kriminala iznosi 29.641.116,4 KM, a nezakonito stečena imovinska korist identificirana izvještajima iznosi 3.004.198,52 KM.

U okviru kriminalističko-obavještajnog rada rađeno je na ukupno 1000 predmeta, od kojih je okončano 505 ili 51%. Tokom obavještajnog rada sačinjeno je ukupno 2.514 KOI 4x4, 72 obavještajne analize, 80 analitičkih presjeka i 48 obavještajnih paketa.

U okviru aktivnosti koje se odnose na posebne istražne radnje, za potrebe Agencije postupano je po 197 naredbi Suda BiH, po osam naredbi okružnih sudova i 42 naredbe kantonalnih sudova, te po 187 naredbi Tužilaštva BiH, jednoj naredbi okružnih tužilaštava i 36 naredbi kantonalnih tužilaštava. Za potrebe drugih policijskih agencija postupano je po 116 naredbi kantonalnih sudova. Provedene su 1363 posebne istražne radnje, od toga 1255 nadzora i tehničko snimanje telekomunikacija, četiri nadzora i tehničko snimanje prostorija, 90 tajnih praćenja i tehničko snimanje osoba i predmeta, osam korištenja prikrivenih istražitelja i korištenja informatora i šest simuliranih i kontroliranih otkupa i simuliranih davanja potkupnine.

U 2016. godini podneseno je i 1967 izvještaja o preduzetim mjerama i radnjama, lišene su slobode 233 osobe, izvršeno je 375 pretresa objekata, saslušano 3912 svjedoka i ispitano 299 osumnjičenih osoba. Realizirano je 69 operativnih akcija u kojima su privremeno oduzete određene količine droge (heroina 1222,2 g, marihuane 9500 g, speeda 3000 g, kokaina jedan g), čija se vrijednost procjenjuje na oko 117.000 KM, te je privremeno oduzeta određena količina oružja (sedam kom. dugih cijevi, deset kom. kratkih cijevi, deset kg eksploziva, 36 kom. MES-a, 3259 kom. municije raznog kalibra i 100 kg žive). U akcijama koje su bile usmjerene na otkrivanje krivičnih djela sprečavanja nedozvoljenog korištenja autorskih prava privremeno su oduzete 103 knjige koje su kopirane i distribuirane bez odobrenja autora.

Na osnovu 220 naredbi i zahtjeva Tužilaštva BiH i Suda BiH i 23 zahtjeva međunarodnih institucija i stranih država pružene su mjere zaštite i podrške za ukupno 198 osoba u procesu zaštite svjedoka. U okviru programa zaštite svjedoka postupano je prema 21 osobi, te su provedene 94 mjere zaštite i 189 mjera podrške.

Jedinica za specijalnu podršku imala je 29 operativnih angažiranja, u okviru kojih je lišila slobode 18 osumnjičenih osoba, pružila pomoć prilikom 24 pretresa objekata i pomoć prilikom sprovođenja 21 osobe. Tokom operativnih angažiranja nije bilo povrijeđenih policijskih službenika Jedinice za specijalnu podršku niti osoba prema kojima su preduzimane mjere, a upotreba sile ocijenjena je kao zakonita i pravilna.

Odjel za unutrašnju kontrolu postupalo je po 114 predmeta unutrašnjih istraga, od kojih je okončano 100 ili 88%. U 95 unutrašnjih istraga nisu utvrđeni elementi povrede službene dužnosti policijskih službenika, dok su u pet predmeta dostavljeni zahtjevi Disciplinskoj komisiji za pokretanje disciplinskog postupka protiv 14 policijskih službenika zbog teže povrede službene dužnosti. Disciplinska komisija donijela je zaključak o obustavi vođenja disciplinskog postupka protiv 11 policijskih službenika, dok su tri policijska službenika suspendirana do okončanja krivičnog postupka. Odsjek za sigurnosne provjere je na osnovu 100 zahtjeva za provjeru 706 osoba, izvršio sigurnosne provjere za 643 osobe i o izvršenim provjerama podnio 392 izvještaja podnosiocima zahtjeva.

Međuagencijska i međunarodna saradnja

Potpisani međunarodni sporazumi:

- Sporazum o korištenju iARMS-a, potpisan 22.2.2016. godine, potpisnici su Državna agencija za istrage i zaštitu, Direkcija za koordinaciju policijskih tijela BiH i Nacionalni centralni biro, Interpol Sarajevo;
- Sporazum o uspostavljanju zajedničkog istražnog tima, potpisan 25.1.2016. godine između tužilaštava Kraljevine Holandije, Republike Austrije i Bosne i Hercegovine.

Potpisani međuagencijski sporazumi:

- Sporazum o saradnji u oblasti forenzičkih ispitivanja i vještačenja, potpisan 4.3.2016. godine, potpisnici su Državna agencija za istrage i zaštitu i Agencija za forenzička ispitivanja i vještačenja;
- Sporazum o međusobnom pružanju pomoći i operativnoj saradnji, potpisan 15.3.2016.godine, potpisnici su Državna agencija za istrage i zaštitu i MUP-ovi svih 10 kantona u FBiH;
- Protokol o saradnji i koordinaciji aktivnosti u slučaju migrantske krize u Bosni i Hercegovini (april-juni 2016. godine), potpisnici su Služba za poslove sa strancima, Granična policija BiH, Obavještajno-sigurnosna agencija BiH, Državna agencija za istrage i zaštitu, Uprava policije Federacije Bosne i Hercegovine, Ministarstvo unutrašnjih poslova Republike Srpske i Policija Brčko distrikta BiH.

Ostvarena je dobra saradnja na 39 predmeta sa svim policijskim agencijama u BiH, kao i sa Ministarstvom sigurnosti BiH, Ministarstvom odbrane BiH, Obavještajno-sigurnosnom agencijom BiH, Službom za poslove sa strancima, Upravom za indirektno oporezivanje BiH i drugim institucijama BiH. Od predmeta izdvajamo predmete „Damask“, „Strijelac 2” i Strijelac 2/Putnik (terorizam) u kojem su razmijenjene operativne informacije i ostvarena saradnja sa svim policijskim agencijama u BiH, te sa Obavještajno-sigurnosnom agencijom BiH, Ministarstvom sigurnosti BiH i drugim institucijama u BiH. U predmetima „List II“, „BOX“, „Lištica“ i „Ringišpil“ (organizirani kriminal u vezi sa finansijskim kriminalom) ostvarena je saradnja sa Upravom za indirektno oporezivanje BiH i uz pomoć Policije Brčko distrikta BiH, MUP-a Republike Srpske, MUP-a Zapadnohercegovačkog kantona, MUP-a Unsko-sanskog kantona, MUP-a Hercegovačko-neretvanskog kantona, MUP-a Kantona Sarajevo, MUP-a Tuzlanskog kantona, MUP-a Srednjobosanskog kantona, MUP-a Zeničko-dobojskog kantona provedene su operativne akcije u kojima je lišena slobode 61 osumnjičena osoba. U predmetu „Papyrus“ (organizirani kriminal u vezi sa krivotvorenjem isprava) saradnja je ostvarena sa Obavještajno-sigurnosnom agencijom BiH, Graničnom policijom BiH, MUP-om Kantona Sarajevo, MUP-om Republike Srpske, MUP-om Tuzlanskog kantona, MUP-om Hercegovačko-neretvanskog kantona i MUP-om Srednjobosanskog kantona.

Kriminalističko-istražni odjel ostvario je međunarodnu saradnju na 44 predmeta (terorizam dva predmeta, finansijski kriminal i korupcija dva predmeta, organizirani kriminal 13 predmeta, nedozvoljena trgovina narkoticima 18 predmeta i trgovina ljudima devet predmeta), a saradnja je ostvarena sa 17 država. Od predmeta u kojima je ostvarena uspješna saradnja izdvajamo predmete:

- „CD1/13 OCEANS“ u kojem je formiran zajednički istražni tim sa policijom Kraljevine Holandije i Republike Austrije i razmijenjene informacije.
- „Damask“ (terorizam i krivična djela u vezi sa terorizmom) u kojem je ostvarena saradnja sa nadležnim organima Republike Austrije, Crne Gore, Švicarske Konfederacije, Savezne Republike Njemačke, Kraljevine Švedske, Kraljevine Danske, Ujedinjenog Kraljevstva i Sjedinjenih Američkih Država;
- „Twins“ (organizirani kriminal, međunarodna trgovina ljudima, međunarodno vrbovanje radi prostitucije) u kojem je ostvarena saradnja sa MUP-om Republike Srbije, MUP-om Republike Hrvatske, MUP-om Republike Austrije i Policijom SR Njemačke, koja je rezultirala provođenjem operativne akcije na teritoriji Republike Austrije, Savezne Republike Njemačke, Republike Srbije i Bosne i Hercegovine;
- „Francuzi 2016“ (organizirani kriminal u vezi sa neovlaštenim prometom oružjem i vojnom opremom te proizvodima dvojne namjene) u kojem je ostvarena saradnja sa Nacionalnom žandarmerijom Republike Francuske;
- „Volan“ (krađa vozila) u kojem je ostvarena saradnja sa MUP-om Republike Srbije;
- „Papyrus“ (organizirani kriminal u vezi sa krivotvorenjem isprava) u kojem je ostvarena saradnja sa Republikom Srbijom i Kraljevinom Holandijom i dr.

Specifičan vid saradnje predstavlja saradnja Finansijsko-obavještajnog odjela koja se odvija u oblasti sprečavanja i istraživanja krivičnih djela pranja novca i finansiranja terorističkih aktivnosti. Saradnja se odvija preko Egmont grupe i u 2016. godini Finansijsko-obavještajni odjel ostvario je saradnju sa 22 države.

Zakonodavna aktivnost

Ministarstvu sigurnosti BiH upućena je 29.12.2016. godine inicijativa i nacrt Zakona o Državnoj agenciji za istrage i zaštitu, na mišljenje i dostavljanje u dalju proceduru. Nakon donošenja Zakona, potrebno je donijeti i novi Pravilnik o unutrašnjoj organizaciji Državne agencije za istrage i zaštitu.

Prijedlog Odluke o utvrđivanju posebnog dodatka na platu zaposlenih u Državnoj agenciji za istrage i zaštitu upućen je Ministarstvu sigurnosti BiH 14.07.2008. godine, a urgencija 27.01.2016. godine. Ministarstvo sigurnosti BiH odlučilo je da ovu oblast riješi jedinstveno za sva policijska tijela na nivou BiH Odlukom o uslovima, načinu i procedurama za utvrđivanje posebnog dodatka na platu policijskim službenicima Bosne i Hercegovina i državnim službenicima Državne agencije za istrage i zaštitu koji obavljaju operativno-istražne poslove, a proceduru usvajanja provest će u skladu sa svojim nadležnostima.

Kadrovska popunjenost

Agencija je 31.12.2016. godine imala ukupno 709 zaposlenih, što je 74% u odnosu na broj sistematiziranih radnih mjesta, od čega 498 policijskih službenika ili 73% popunjenih radnih mjesta, 74 državna službenika ili 69% popunjenih radnih mjesta i 137 zaposlenika ili 82% popunjenih radnih mjesta (31.12.2015. godine 706 zaposlenih). Radni odnos u Agenciji zasnovao je 31 policijski službenik, jedan državni službenik i jedan zaposlenik, dok je radni odnos prestao za 22 policijska službenika, pet državnih službenika i tri zaposlenika (za jednog miruju prava i obaveze iz radnog odnosa).

Budžetska sredstva

Zakonom o finansiranju institucija Bosne i Hercegovine i međunarodnih obaveza Bosne i Hercegovine za 2016. godinu, koji je usvojen u decembru 2015. godine, Agenciji su odobrena budžetska sredstva u iznosu od 32.919.000 KM, od čega za tekuće izdatke 27.671.000 KM i za kapitalne izdatke 5.248.000 KM. U decembru 2016. godine prestrukturirana su budžetska sredstva tako što su sa pozicije 613500 - izdaci za usluge prevoza i goriva prenesena budžetska sredstva u iznosu od 14.000,00 KM na poziciju 821100 - nabavka zemljišta. Odlukom Vijeća ministara Bosne i Hercegovine prenesena su budžetska sredstva u iznosu od 2.000.000,00 KM na Službu za zajedničke poslove institucija Bosne i Hercegovine. Nakon prestrukturiranja, budžet Agencije iznosio je ukupno 30.919.000 KM, od čega je utrošak sredstava iznosio ukupno 26.924.244 KM ili 87%. Od toga:

- za tekuće izdatke iznos sredstava bio je 27.657.000 KM, od čega je utrošak 25.262.405 KM ili 91%,
- za kapitalne izdatke iznos sredstava bio je 3.262.000 KM, od čega je utrošak 1.661.839 KM ili 51%.

II - IZVJEŠTAJ O PROVOĐENJU AKCIONOG PLANA PREDVIĐENOG GODIŠNJIM PROGRAMOM RADA DRŽAVNE AGENCIJE ZA ISTRAŽE I ZAŠTITU ZA 2016. GODINU
Opći cilj/principi razvoja: UPRAVLJANJE U FUNKCJI RASTA
Strateški cilj: UBRZATI PROCES TRANZICIJE I IZGRADNJE KAPACITETA
Srednjoročni cilj: UNAPREĐENJE SIGURNOSNOG SEKTORA U BIH SA ASPEKTA ODGOVORNOSTI I EFIKASNOSTI
Specifični cilj: Unapređenje sistema istraga krivičnih djela, prikupljanja obavještenja i podataka o krivičnim djelima i zaštite svjedoka u postupcima pred Sudom BiH

Programi, projekti i aktivnosti	Nosilac aktivnosti (organizaciona jedinica)	Pokazatelji					Izvori finansiranja i troškovi			Vrijeme provođenja		Komentar
		Pokazatelji rezultata ili uticaja	Jedinica mjerenja(% broj ili opisno)	Polazna vrijednost(n)	Ciljana vrijednost (n+1)	Ostvarena vrijednost na kraju godine(n+1)	Izvori finansiranja (budžet, krediti, donacije i ostalo)	Planirani troškovi	Ostvareni troškovi	Planirani kvartal za provođenje	Kvartal kada je aktivnost provedena	
1	2	3	4	5	6		7	8				
1.1. Sprečavanje, otkrivanje i istrage krivičnih djela iz nadležnosti Suda BiH												
1.1.1. Povećati broj izvještaja o počinjenom krivičnom djelu u istragama krivičnih djela iz nadležnosti Suda BiH												
1.1.1.1. Provoditi sve zakonom predviđene aktivnosti, u skladu sa naredbama i zahtjevima Tužilaštva BiH i Suda BiH, u okviru otkrivanja krivičnih djela terorizma i nedozvoljene trgovine ABHO	Kriminalističko-istražni odjel, regionalni uredi Banja Luka, Mostar, Sarajevo i Tuzla	Stepen izvršenih naredbi i zahtjeva Suda BiH i Tužilaštva BiH	%	100	100	100	Budžet	1.257.955	1.155.495	2016.	2016.	Sve naredbe Suda i Tužilaštva po ovoj vrsti kriminala su izvršene
1.1.1.2. Provoditi sve zakonom predviđene aktivnosti, u skladu sa naredbama i zahtjevima Tužilaštva BiH i Suda BiH, u okviru otkrivanja krivičnih djela organiziranog kriminala, kriminala u vezi sa trgovinom ljudima, opojnim drogama i ostalim krivičnim djelima	Kriminalističko-istražni odjel, regionalni uredi Banja Luka, Mostar, Sarajevo i Tuzla	Stepen izvršenih naredbi i zahtjeva Suda BiH i Tužilaštva BiH	%	100	100	100	Budžet	5.777.995	5.310.698	2016.	2016.	Sve naredbe Suda i Tužilaštva po ovoj vrsti kriminala su izvršene
1.1.1.3. Provoditi sve zakonom predviđene aktivnosti, u skladu sa naredbama i zahtjevima Tužilaštva BiH i Suda BiH, u okviru otkrivanja krivičnih djela finansijskog kriminala i korupcije	Kriminalističko-istražni odjel, regionalni uredi Banja Luka, Mostar, Sarajevo i Tuzla	Stepen izvršenih naredbi i zahtjeva Suda BiH i Tužilaštva BiH	%	100	100	100	Budžet	2.513.800	2.310.991	2016.	2016.	Sve naredbe Suda i Tužilaštva po ovoj vrsti kriminala su izvršene
1.1.1.4. Uspostaviti sistem integriranih finansijskih istraga	Kriminalističko-istražni odjel	Procenat otvorenih finansijskih istraga u odnosu na broj pokrenutih	%	0	100	100	Budžet	123.253	112.187	2016.	2016.	Otvorene su finansijske istrage u svim predmetima gdje postoji osnova sumnje za utvrđivanje koristi proizašle iz izvršenja krivičnog djela

1.1.1.5. Provoditi sve zakonom predviđene aktivnosti, u skladu sa naredbama i zahtjevima Tužilaštva BiH i Suda BiH, u okviru otkrivanja krivičnih djela pranja novca i finansiranja terorističkih aktivnosti	Finansijsko-obavještajni odjel	Stepen izvršenih naredbi i zahtjeva Suda BiH i Tužilaštva BiH	%	100	100	100	Budžet	712.137	654.732	2016.	2016.	Sve naredbe Suda i Tužilaštva po ovoj vrsti kriminala su izvršene
1.1.1.6. Provoditi sve zakonom predviđene aktivnosti, u skladu sa naredbama i zahtjevima Tužilaštva BiH i Suda BiH, u okviru otkrivanja krivičnih djela ratnih zločina i krivičnih djela kažnjivih po međunarodnom humanitarnom pravu	Sektor za istraživanje ratnih zločina i krivičnih djela kažnjivih po međunarodnom humanitarnom pravu i regionalni uredi Banja Luka, Mostar, Sarajevo i Tuzla	Stepen izvršenih naredbi i zahtjeva Suda BiH i Tužilaštva BiH	%	100	100	100	Budžet	2.975.046	2.734.039	2016.	2016.	Sve naredbe Suda i Tužilaštva po ovoj vrsti kriminala su izvršene
1.1.1.7. Operativno angažirati Jedinicu za specijalnu podršku po naredbama direktora SIPA-e	Jedinica za specijalnu podršku	Stepen izvršenih naredbi direktora za operativno angažiranje	%	100	100	100	Budžet	7.590.114	4.251.018	2016.	2016.	Sve naredbe direktora Agencije za angažiranje Jedinice su izvršene
1.1.1.8. Sarađivati i razmjenjivati informacije u krivičnim istragama sa policijskim agencijama i ostalim partnerima u zemlji i inostranstvu	Kriminalističko-istražni odjel, regionalni uredi Banja Luka, Mostar, Sarajevo i Tuzla, Sektor za planiranje, analitiku, saradnju i informiranje	Stepen ostvarene saradnje u odnosu na broj zaprimljenih zahtjeva za saradnju	%	100	100	100	Budžet	962.182	886.416	2016.	2016.	Odgovoreno je na sve upite domaćih i inostranih partnera za dostavu traženih informacija u skladu sa zakonskom regulativom
1.1.2. Ojačati operativne i tehničke kapacitete radi boljeg korištenja posebnih istražnih radnji u otkrivanju i istraživanju najtežih oblika krivičnih djela iz nadležnosti Suda BiH												
1.1.2.1. Provoditi posebnu istražnu radnju "Nadzor i tehničko snimanje telekomunikacija" po naredbama Suda BiH	Sektor za operativnu podršku	Stepen izvršenih naredbi Suda BiH za provođenje posebne istražne radnje	%	100	100	100	Budžet	985.779	897.494	2016.	2016.	Sve naredbe Suda za provođenje ove posebne istražne radnje su izvršene
1.1.2.2. Provoditi posebnu istražnu radnju "Nadzor i tehničko snimanje prostorija" po naredbama Suda BiH	Sektor za operativnu podršku	Stepen izvršenih naredbi Suda BiH za provođenje posebne istražne radnje	%	100	100	100	Budžet	1.233.128	1.121.867	2016.	2016.	Sve naredbe Suda za provođenje ove posebne istražne radnje su izvršene

1.1.2.3. Provoditi posebnu istražnu radnju "Tajno praćenje i tehničko snimanje osoba, transportnih sredstava i predmeta koji stoje u vezi sa njima" po naredbama Suda BiH	Sektor za operativnu podršku	Stepen izvršenih naredbi Suda BiH za provođenje posebne istražne radnje	%	100	100	100	Budžet	1.233.128	1.121.867	2016.	2016.	Sve naredbe Suda za provođenje ove posebne istražne radnje su izvršene
1.1.2.4. Provoditi posebne istražne radnje "Simulirani i kontrolirani otkup i simulirano davanje potkupnine" i "Korištenje prikrivenih istražitelja i korištenje informatora" po naredbama Suda BiH	Kriminalističko-istražni odjel	Stepen izvršenih naredbi Suda BiH za provođenje posebne istražne radnje	%	100	100	100	Budžet	295.119	241.757	2016.	2016.	Sve naredbe Suda za provođenje ove posebne istražne radnje su izvršene
1.1.2.5. Provoditi posebnu istražnu radnju "Nadzirani prevoz i isporuka predmeta KD" po naredbama Suda BiH	Sektor za operativnu podršku	Stepen izvršenih naredbi Suda BiH za provođenje posebne istražne radnje	%	100	100	100	Budžet	246.143	224.373	2016.	2016.	Sve naredbe Suda za provođenje ove posebne istražne radnje su izvršene
1.1.3. Unaprijediti zakonitost u obavljanju poslova iz nadležnosti SIPA-e												
1.1.3.1. Provoditi unutrašnje istrage na osnovu zahtjeva	Odjel za unutrašnju kontrolu	Procenat provedenih unutrašnjih istraga u odnosu na broj pokrenutih	%	100	100	100	Budžet	243.925	224.373	2016.	2016.	Provedene su sve unutrašnje istrage na osnovu zahtjeva po svim osnovama
1.1.3.2. Utvrditi opravdanost primjene sredstava prinude od strane policijskih službenika	Odjel za unutrašnju kontrolu	Procenat provedenih istraga u odnosu na broj zahtjeva za utvrđivanje opravdanosti primjene sredstava prinude	%	100	100	100	Budžet	121.876	112.187	2016.	2016.	U svim slučajevima upotrebe sredstava prinude provedene su istrage i utvrđeno da su sredstva prinude krištena u skladu sa zakonom
1.1.3.3. Izvršiti sigurnosne provjere po zahtjevima institucija	Odjel za unutrašnju kontrolu	Procenat izvršenih provjera u odnosu na broj zahtjeva	%	100	100	100	Budžet	387.676	448.747	2016.	2016.	Izvršene su provjere po svim zahtjevima institucija u BiH

1.1.3.4. Vršiti interni nadzor nad primjenom u radu Zakona o zaštiti tajnih podataka i Zakona o zaštiti ličnih podataka	Odjel za unutrašnju kontrolu i Sektor za planiranje, analitiku, saradnju i informiranje	Broj izvršenih unutrašnjih inspeksijskih nadzora	Broj	15	15	14	Budžet	100.000	74.791	2016.	2016.	Izvršen je planirani broj unutrašnjih inspeksijskih nadzora i date su preporuke za otklanjanje uočenih nedostataka
1.2. Prikupljanje obavještenja i podataka o krivičnim djelima iz nadležnosti Suda BiH												
1.2.1. Raditi na prikupljanju i analitičkoj obradi obavještenja i podataka o krivičnim djelima												
1.2.1.1. Povećati broj i kvalitet prikupljenih informacija i obavještajnih podataka	Kriminalističko-istražni odjel, Finansijsko-obavještajni odjel, Sektor za istraživanje ratnih zločina i krivičnih djela kažnjivih po međunarodnom humanitarnom pravu, regionalni uredi Banja Luka, Mostar, Sarajevo i Tuzla	Broj sačinjenih KOI 4x4	Broj	4000	4200		Budžet	2.052.691	1.885.993	2016.	2016.	Nije postignuta ciljana vrijednost iz sljedećih razloga: - vrijednost za bazni period nije dobro procijenjena, - poklanja se veća pažnja kvalitetu nego kvantitetu prikupljenih informacija, - izrađen je veći broj produkata analitičkog rada, što predstavlja kvalitativni pomak u obavještajnom radu
1.2.1.2. Povećati broj i kvalitet produkata analitičkog rada	Kriminalističko-istražni odjel, Finansijsko-obavještajni odjel, Sektor za istraživanje ratnih zločina i krivičnih djela kažnjivih po međunarodnom humanitarnom pravu, regionalni uredi Banja Luka, Mostar, Sarajevo i Tuzla	Ukupan broj produkata analitičkog rada	Broj	400	420		Budžet	2.260.248	2.077.845	2016.	2016.	Napravljen je kvalitativni pomak u obavještajnom radu
1.3. Sveobuhvatna podrška i zaštita svjedocima u postupcima pred Sudom BiH												
1.3.1. Raditi na svim aspektima zaštite svjedoka												
1.3.1.1. Provesti programe zaštite svjedoka iz BiH po zahtjevima Tužilaštva BiH i Suda BiH	Odjel za zaštitu svjedoka	Procenat provedenih programa zaštite svjedoka u odnosu na broj zahtjeva Suda BiH i Tužilaštva BiH	%	100	100	100	Budžet	381.020	331.742	2016.	2016.	Izvršene su sve naredbe Suda BiH

1.3.1.2. Provesti programe zaštite svjedoka drugih država	Odjel za zaštitu svjedoka	Procenat provedenih programa zaštite svjedoka u odnosu na broj zahtjeva Suda BiH i Tužilaštva BiH	%	100	100	100	Budžet	381.020	331.742	2016.	2016.	Izvršene su sve naredbe Suda BiH
1.3.1.3. Postupiti po naredbama Suda BiH i Tužilaštva BiH za provođenje mjera zaštite zaštićenim svjedocima koji svjedoče pred Sudom BiH	Odjel za zaštitu svjedoka	Procenat provedenih mjera zaštite u odnosu na broj naredbi za provođenje mjera zaštite svjedoka	%	100	100	100	Budžet	474.765	413.889	2016.	2016.	Izvršene su sve naredbe Suda BiH

III - IZVJEŠTAJ O IZRAĐENIM ZAKONIMA PLANIRANIM GODIŠNJIM PROGRAMOM RADA DRŽAVNE AGENCIJE ZA ISTRAŽE I ZAŠTITU ZA 2016. GODINU

Opći cilj/principi razvoja: UPRAVLJANJE U FUNKCIJI RASTA

Strateški cilj: UBRZATI PROCES TRANZICIJE I IZGRADNJE KAPACITETA

Srednjoročni cilj: UNAPREĐENJE SIGURNOSNOG SEKTORA U BIH SA ASI

Specifični cilj: Unapređenje sistema istraga krivičnih djela, prikupljanja obavještenja i podataka o krivičnim djelima i zaštite svjedoka u postupcima pred Sudom BiH

Naziv zakona	Vrijeme provođenja		Status zakona zaključno sa 31.12. 2016. godine				Komentar
	Planirani kvartal za provođenje	Kvartal kada je aktivnost provedena	Upućen VM BiH (DA/NE)	Usvojen na VM BiH (DA/NE)	Procedura u PS BiH (DA/NE)	Usvojen u PS BiH (DA/NE)	
1	2	3	4	5	6	7	8
1.1. Sprečavanje, otkrivanje i istrage krivičnih djela iz nadležnosti Suda BiH							
1.1.1. Povećati broj izvještaja o počinjenom krivičnom djelu u istragama krivičnih djela iz nadležnosti Suda BiH							
a) ZAKONI ZA KOJE SE NEĆE PROVODITI PROCJENA UTICAJA							
1.1.1.1. Zakon o Državnoj agenciji za istrage i zaštitu	2016.		NE	NE	NE	NE	Ministarstvu sigurnosti BiH 29.12.2016. godine upućena inicijativa i tekst nacrtu Zakona o Državnoj agenciji za istrage i zaštitu na mišljenje i dostavljanje u daljnju proceduru
1.1.1.2. Zakon o policijskim službenicima Bosne i Hercegovine	2016.		NE	NE	NE	NE	Državna agencija za istrage i zaštitu nije ovlašteni predlagač

IV - IZVJEŠTAJ O IZRAĐENIM PODZAKONSKIM AKATIMA PLANIRANIM GODIŠNJIM PROGRAMOM RADA DRŽAVNE AGENCIJE ZA ISTRAŽE I ZAŠTITU ZA 2016. GODINU

Opći cilj/principi razvoja: UPRAVLJANJE U FUNKCIJI RASTA

Strateški cilj: UBRZATI PROCES TRANZICIJE I IZGRADNJE KAPACITETA

Srednjoročni cilj: UNAPREĐENJE SIGURNOSNOG SEKTORA U BIH SA ASPEKTA ODGOVORNOSTI I EFIKASNOSTI

Specifični cilj: Unapređenje sistema istraga krivičnih djela, prikupljanja obavještenja i podataka o krivičnim djelima i zaštite svjedoka u postupcima pred Sudom BiH

Naziv podzakonskog akta	Vrijeme provođenja		Status podzakonskog akta zaključno sa 31.12. 2016. godine				Komentar
	Planirani kvartal za provođenje aktivnosti	Kvartal kada je aktivnost provedena	Upućen rukovodiocu (DA/NE)	Usvojen od strane rukovodioca (DA/NE)	Upućen VM BiH (DA/NE)	Usvojen na VM BiH (DA/NE)	
1	2	3	4	5	6	7	8
1.1. Sprečavanje, otkrivanje i istrage krivičnih djela iz nadležnosti Suda BiH							
1.1.1. Povećati broj izvještaja o počinjenom krivičnom djelu u istragama krivičnih djela iz nadležnosti Suda BiH							
1.1.1.1. Odluka o utvrđivanju posebnog dodatka na platu zaposlenih u Državnoj agenciji za istrage i zaštitu	2016.		DA	NE	NE	NE	Prijedlog ove odluke upućen je Ministarstvu sigurnosti BiH 14.07.2008. godine, a urgencija 27.01.2016. godine. Ministarstvo sigurnosti BiH je odlučilo da ovu oblast riješi jedinstveno za sva policijska tijela na nivou BiH Odlukom o uslovima, načinu i procedurama za utvrđivanje posebnog dodatka na platu policijskim službenicima Bosne i Hercegovina i državnim službenicima Državne agencije za istrage i zaštitu koji obavljaju operativno-istražne poslove, a daljnju proceduru usvajanja provest će u skladu sa svojim nadležnostima.
1.1.1.2. Pravilnik o unutrašnjoj organizaciji Državne agencije za istrage i zaštitu	2016.		NE	NE	NE	NE	Nakon donošenja novog Zakona o Državnoj agenciji za istrage i zaštitu, potrebno je donijeti i novi Pravilnik o unutrašnjoj organizaciji Državne agencije za istrage i zaštitu.

V - IZVJEŠTAJ O IZRADENIM MEĐUNARODNIM UGOVORIMA PLANIRANIM GODIŠNJIM PROGRAMOM RADA DRŽAVNE AGENCIJE ZA ISTRAŽE I ZAŠTITU ZA 2016. GODINU

Opći cilj/principi razvoja: UPRAVLJANJE U FUNKCIJI RASTA

Strateški cilj: UBRZATI PROCES TRANZICIJE I IZGRADNJE KAPACITETA

Srednjoročni cilj: UNAPREĐENJE SIGURNOSNOG SEKTORA U BIH SA ASPEKTA ODGOVORNOSTI I EFIKASNOSTI

Specifični cilj: Unapređenje sistema istraga krivičnih djela, prikupljanja obavještenja i podataka o krivičnim djelima i zaštite svjedoka u postupcima pred Sudom BiH

Naziv međunarodnog ugovora	Vrijeme provođenja		Status međunarodnog ugovora zaključno sa 31.12. 2016. godine				Komentar
	Planirani kvartal za provođenje	Kvartal kada je aktivnost provedena	Upućen VM BiH (DA/NE)	Usvojen na VMBiH (DA/NE)	Procedura u Predsjedništvu BiH (DA/NE)	Usvojen u Predsjedništvu BiH (DA/NE)	
1						2	3
-							
-							
-							

VI - IZVJEŠTAJ O REALIZACIJI JAVNIH INVESTICIJA PLANIRANIH GODIŠNJIM PROGRAMOM RADA DRŽAVNE AGENCIJE ZA ISTRAGE I ZAŠTITU ZA 2016. GODINU

Opći cilj/principi razvoja: UPRAVLJANJE U FUNKCIJI RASTA

Strateški cilj: UBRZATI PROCES TRANZICIJE I IZGRADNJE KAPACITETA

Srednjoročni cilj: UNAPREĐENJE SIGURNOSNOG SEKTORA U BIH SA ASPEKTA ODGOVORNOSTI I EFIKASNOSTI

Specifični cilj: Unapređenje sistema istraga krivičnih djela, prikupljanja obavještenja i podataka o krivičnim djelima i zaštite svjedoka u postupcima pred Sudom BiH

Naziv projekta javnih investicija	Vrijeme realizacije		Status (ZA VRŠENO, U POSTUPKU, ODLOŽENO,	Komentar
	Očekivani period realizacije	Završen (DA/NE)		
1	2			3
1.1. Sprečavanje, otkrivanje i istrage krivičnih djela iz nadležnosti Suda BiH				
1.1.1. Povećati broj izvještaja o počinjenom krivičnom djelu u istragama krivičnih djela iz nadležnosti Suda BiH				
1.1.1.1. IBIH-SIPA-2 izgradnja objekta za smještaj i obuku Jedinice za specijalnu podršku	Kraj 2017.	NE	U POSTUPKU	Završene aktivnosti: - nabavljeno građevinsko zemljište - odobreno idejno rješenje

VII – IZVJEŠTAJ O PROVEDENIM KONSULTACIJAMA KOD IZRADE GODIŠNJEG IZVJEŠTAJA O RADU

U toku izrade godišnjeg izvještaja o radu Državne agencije za istrage i zaštitu za 2016. godinu vršene su konsultacije sa Ministarstvom sigurnosti BiH, Direkcijom za koordinaciju policijskih tijela BiH i Ministarstvom finansija i trezora BiH. Konsultacije su se odnosile na formalni izgled izvještaja i usklađenost sa budžetskim okvirom.

DIREKTOR

Perica Stanić